

Date – 18/12/2025

Time - 18:30 -18:40Hrs

AKASHVANI AIZAWL

REGIONAL NEWS BULLETIN

HEADLINES (EVENING)

1. Mizoram State University Lungleia awm tura tih anih angin dan thenkhat siam rem ngai chu Assembly Session lo awm leh hmasa bera pharh tura hmalak a ni.
2. Rajya Sabha MP Pu K. Vanlalvena'n hunpui laia mipuite zin veivah awlsam nana Railway Minister Ashwini Vaishnaw a ngen angin December ni 22 ah leh December ni 24 ah Guwahati atangin Aizawl panin Christmas pualin Rel a tlan dawn.
3. Aizawl SP Pu Zosangliana'n kumin chhunga Aizawl DEF hnuaia Police Station hrang hrangah nimin December ni 17 theng khan thubuai 1764 ziahluh ani tawh a ti.
4. India leh Oman te chuan thawhdunna thar Comprehensive Economic Partnership Agreement (CEPA) an ziak

<><><>

STATE UNIVERSITY

Mizoram State University Lungleia awm tura tih anih angin dan thenkhat siam rem ngai chu Assembly Session lo awm leh hmasa bera pharh tura hmalak a ni.

Chief Minister Pu Lalduhoma hova Mizoram State University chungchang vawiina CM Conference Hall-a sawiho ah State University chungchangah dan thenkhat siam rem ngai chu Assembly Session lo awm leh hmasa bera pharh tura tan lak ni se tih a ni a, HPC Vice Chairman Pu V. Malsawmtluanga chuan a hmunhma a thli thlai tawh chin report a pe bawk.

Vawiina thutkhawmah hian Higher & Technical Education Minister Dr. Vanlalhlana leh Lunglei MLA bakah sawrkar mi pawimawhte an tel a ni.

November ni 20 khan Chief Minister Pu Lalduhoma'n Lunglei High Powered Committee (HPC) thukhawm a hmanpui na ah Lungleia Mizoram State University dah anih tur thu hi alo sawi tawh a, Assembly Session-a an pass hnu ah dan ang thlapin kalpui ani dawn a ti a, kum 10 chhungin tihfel an tum dawn tih sawiin University a thawk tur Post 71 siam tawh a ni a ti a, post 21 fill-up phalna pek tawh a ni a ti bawk.

<><><>

RD&A MINISTER

National Institute of Technology (NIT) Mizoram leh Indian Institute of Technology (IIT) Madras a thawk zirtirtu leh zirlaiten RD&A Minister Prof. Lalnilawma chu a pisa ah kawmin New India Internship kalpui dan hrang hrang an sawiho.

IIT Madras leh NIT Mizoram tangkawp hian Mahatma Gandhi pianchamphaphak vawi 150-na hriatrengna atan leh Prime Minister Narendra Modi-a'n a ngaih pawimawh New India Mission zulzuiin New India Internship an duang chhuak a, he'ng zirna in pahniha zirlaite hian Mizoramah kumin December ni 16 atanga January ni 10, 2026 thlengin New India Internship hi an kalpui dawn a ni.

He internship programin a tum ber chu Mizoram chhunga thingtlang khuate harsatna leh mamawh hrang hrangte hriatchhuah leh tunlai thiamna hmanga chung harsatnate sutkian a ni a. Intern-te leh he institution pahnih a zirlaiten field research neiin tunlai thiamna hmanga harsatna sutkian dan tur kawng an zir dawn a ni. Internship team-ah hian IIT Madras atangin student 11 leh faculty member 3 an tel a, NIT Mizoram atangin faculty member 3 leh zirlai 21 an tel dawn a ni.

Prof. Lalnilawma chuan National Institute of Technology (NIT) Mizoram leh Indian Institute of Technology (IIT) Madras ten remhre taka thawhho an tum chu lawmawm a tih thu a sawi a, rampum huap pawha zirna in tha leh chhuanawm ten Zoram thingtlang khuate hmasawnna tur tunlai thiamna thar ber ber hmanga an zirchiang tur chuan rah tha tak a chhuah beiseiin duhsakna a hlan a ni.

<><><>

CHRISTMAS SPECIAL TRAIN

Rajya Sabha MP Pu K. Vanlalvena'n hunpui laia mipuite zin veivah awlsam nana Railway Minister Ashwini Vaishnaw a ngen angin December ni 22 ah leh December ni 24 ah Guwahati atangin Aizawl panin Christmas pualin Rel a tlan dawn.

Guwahati to Aizawl Special Train for Christmas pahnih hi Guwahati atanga Aizawl panin December ni 22 ah leh December ni 24 ah te an tlan dawn a, Heng Rel pahnih te hi December ni 23 Dec ah leh December ni 25 ah te Aizawl atangin Guwahati panin an let leh dawn, Coach 14 ve ve a awm dawn a ni.

<><><>

MIZORAM EXCISE AND NARCOTICS DATA

Excise and Narcotics Department-a thawktute chuan kumin January atanga September thla thengin zu leh damdawi kaihnnawih avangin mi 14,397 an man tawh.

Excise and Narcotics Department chhinchhiah danin damdawi kaihnnawih avangin mi 1563 an man a, damdawi kaihnnawih thubuai 1016 ziahluh niin Zu avangin Excise and Narcotics Department chuan thubuai 12,047 an ziak lut a, mi 10,906 zu avang hian man an nei bawk.

Excise and Narcotics-a thawktute hian kumin chhungin Heroin Kg 80 leh gram 594, Metamphetamine Kg 425 leh gram 144, Pseudoephedrine Kg 7 leh gram

420, Opium Kg 1 leh gram 193, Ganja Kg 801 leh gram 67, khuh damdawi Kg 822 leh gram 365 bakah Tramadol, Diazepam leh Nitrazepam Kg 7 leh gram 966 an man a, hei bakah hian rakzu litre litre nuai 1 sing 1 za hnih 77, zu bilh lai tin nuai 2 sing 1 sang 2 zaruk sawmnga pathum, Dawidim kg 470 leh gram 400, Indian Made Foreign Liquor bottle 46,409, Beer can 45,174, ram dang atanga zu lakluh bottle 16,364, Burma Be Ee litre 6205 bakah Fruit Wine 56,028 chuang an man bawk.

Kan correspondent report i lo ngaithla ang

(Voicecast)

Mizoram Excise and Narcotics Department-te hian kumin January atanga September thla chungin zu leh ruitheih thil kaih nawih avangin lirthei two wheeler 118, three wheeler 6, LMV 166, MMV 3, HMV 5 a vai a belhkawmin lithei 298 man an nei a, Mizoram chhunga Autonomous District Council pathum LADC, MADC leh CADC bikah Mizoram Excise Act 1973 tlawhchhanin ruihtheih thil kaih nawihah thubai 826 ziahluh a ni a, mi 787 man an ni bawk. Excise Department chhinchhiah danin damdawi leh zu thubu ai avangin ram dang mi foreigner 100 man an ni bawk.

<><><>

HEROIN SEIZED

Excise & Narcotics Department-chuan thawhle hni tlai khan Aizawl Falkland vengah Heroin hawng 210 leh a neitu-a puh mi 3 an man.

Heng ruihhote hi Thawhle hni tlai dar 5 khan Aizawl Falkland venga LC Homestay-ah man a ni a, hemi rual hian a neitu-a puh mi 3 - Zorinsanga kum 32 Lunglei Chanmari Veng ni-a inchhal te; Lalhmangaihsanga, kum 39 Aizawl Bungkawn Vengthar ni-a inchhal leh Bawihchhuanpiang, kum 29 Myanmar Chin State-a Falam a khawsa ni-a inchhalte an man nghal a ni.

Heroin neitute hi ND&PS Act hmanga thubu ai siam sak an ni a, vawiin khan Special Court (NDPS Act)-ah hruai nghal an ni.

<><><>

AIR NEWS

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve ah Chanchinthar puan leh a ni ang.

<><><>

AIZAWL SP PRESS CONFERENCE

Aizawl SP Pu Zosangliana’n kumin chhunga Aizawl DEF hnuaia Police Station hrang hrangah nimin December ni 17 theng khan thubu ai 1764 ziahluh ani tawh a ti.

Vawiina a pisa-a chanchinbumite nena Aizawl District Police-te hnathawh dan leh, dan leh thupek ken kawh chungchanga mipuite hriattur an sawihona hunah he thu hi a sawi a, Pu Zosangliana chuan heng thubuai ziah luh 1764 zinga 1150 chu chhuichhuah tawh a ti a, thubuai 1009 chu a chhui hna zawhfel a nih piah lamah report hnahnung chargesheet thehluh a nih tawh tih sawiin thubuai 421 chu chhui mek a nih thu leh thubuai lut zinga 333 chu chhuichhuah loh a nih thu a sawi bawk.

Pu Zosangliana chuan kumin 2025 kum kal mekah Aizawl District chhunga thubuai lian tham zingah tualthah thubuai 11 ziahluh zinga 10 chu chhuichhuah a ni tawh a ti a, ruihhlo avangin dan bawhchhia mi 36 an man bakah thubuai 32 ziah luh a nih thu sawiin ruihhlo an man zat hlutna chu cheng vaibelchhe 43 nuai 296 ani tih sawiin kumin chhungah Aizawl district-a mahni nunna la mi 30 leh tui tla 12 bakah damdawi overdose avanga boral 36 an awm thu sawiin accident avang leh chhan hriat lova thi 78 an awm thu a sawi bawk.

Aizawl SP chuan Krismas leh Kumthar mipuiten ralmuang taka an hman theih nan dan leh thupek kenkawh kawngah nasa taka hma an lak thu a sawi a, Aizawl khawpui chhungah Police duty na pawh gazetted officer uapna hnuaiah zone 4 a an then thu leh heihi karleh thawhlelni December ni 23 atanga kumthar 2026 January ni 2 thleng a tlaivar a kenkawh tur a nih bakah zan tin khawlaiah Police an kal kual dawn a ti bawk.

<><><>

MIZORAM SCHOOL DATA

Mizoram sawrkar chhinchhiah danin Mizoram chhungah sikul 4316 a awm mek.

School Education department chhinchhiah danin Aizawl district huamchhungah sikul a tam ber a, Aizawl District huamchhungah hian sikul, a vai a belhkhawmin 1026 a awm a, Mizoram a zirna in zingah hian Primary sikul chu tam berin 1922 a awm a, Middle school 1477 awmin High school 713 bakah Higher Secondary School 206 a awm bawk.

Kan correspondent report i lo ngaithla ang

(Voicecast)

School Education department tarlan danin Mamit district-ah sikul 392, Kolasib district-ah 306, Champhai district-ah 309, Serchhip district-ah 253, Lunglei district-ah 595, Lawngtlai district-ah 620, Siaha district-ah 276, Khawzawl district-ah 238, Siatual district-ah 161 leh Hnahthial district-ah 142 te a awm mek a ni.

<><><>

PM

India leh Oman te chuan thawhdunna thar Comprehensive Economic Partnership Agreement (CEPA) an ziaak. Vawiin khan Prime Minister Narendra Modia leh Oman hruaitu Sultan Haitham bin Tariq AL Said te hriatpuiin Muscat khawpuiah he inremna hi ziah a ni.

Prime Minister Narendra Modia chian nizan khan Oman a thleng a. Muscat khawpuih ropui taka lo lawm a ni a. Vawiin khan Oman hruaitu Sultan Haitham bin Tariq AL Said nen hian an inkawm a. Ram pahnih inkara thawhdunna hrang hrang leh khawvel thil thleng pawimawhte an sawidun a. Tukin khan Oman-a sumdawng lian ho te nen an inkawm bawk a ni.

Tun tuma Prime Minister Modia zin hian ram pathum Jordan, Ethiopia leh Oman te a tlawh a. Ram hruaitu leh sumdawng hotute kawmin India nena thawhdunna hrang hrang a sawipui a. Inremna engemawzat ziah a ni bawk.

<><><>

G RAM G BILL

L:ok Sabha chuan Viksit Bharat – Guarantee for Rozgar and Ajeevika Mission (Gramin): Viksit Bharat – G RAM G Bill 2025 chu vawiin khan a pass. He bill hian kum 20 chuang lo hman tawh Mahatma Gandhi National Rural Employment Guarantee Act, 2005 a rawn thlak dawn a. Dan thar ah hian ni 100 inhlawhna neih thin chu ni 125 ah tihpun a ni a. Zawhna chhangin Union Rural Development Minister Shivraj Singh Chouhan chuan Prime Minister Narendra Modia kaihhruaina hnuaiah MGNERGA shcme chu tluang taka kalpui a ni a ti a. UPA sawrkarah cheng vaibelchhe nuai 2 sing 1 leh sang 3 sen anih laiin Modia sawrkarah chuan cheng vaibelchhe nuai 8 sing 5 leh sang 3 hman a ni a ti .

<><><>